



UNIVERSITÄTS-
BIBLIOTHEK
PADERBORN

Officia Propria Ecclesiae Et Dioecesis Paderbornensis

**Asseburg, Wilhelm Anton von der
Paderbornae, 1764**

Augustus.

[urn:nbn:de:hbz:466:1-62764](#)

Die III. Augusti.

INVENTIO

S. STEPHANI PROTOMART.

Dup. in Diœcesi Paderb. reliqua ut in Brev. Romano.

Die XIII. Augusti.

SS. HIPPOLYTI & SOC. MART.

Duplex.

Omnia de communi plur. Mart. præt. seq.

Oratio.

Da quæsumus omnipotens Deus;
Ut beatorum Martyrum tuorum,
Hippolyti ac Sociorum ejus, vene-
randa solemnitas & devotionem no-
bis augeat & salutem. Per Dominum.

*Deinde fit. comm. oœt. S. Laur. & S.
Cassiani Mart. Antiph. Iste Sanctus.
℣. Gloriâ & honore.*

Oratio.

Præsta quæsumus omnipotens De-
us; ut qui beati Cassiani Martyris
tui natalitia colimus; intercessione
ejus in tui nominis amore robore-
mur. Per Dominum.

Lectiones I. Noct. de Scriptura.

IN

IN II. NOCTURNO.

Lectio IV.

Hippolytus, in persecutione Valeriani, cùm sanctus Laurentius teneretur in vinculis, carceris praefectus; ejus prædicatione ac miraculis, eo præcipue, quod Lucilio cuidam, qui ploratu nimio in carcere fuerat obcoecatus, credenti visum antea promissum, per baptismum restituit, unà cùm decem & novem domesticis suis ad Christianam fidem conversus, ab ipso baptizatus est. Postquam autem Laurentii corpus propè urbem viâ Tiburtinâ sepeliisset, domum reversus, universos servos suos, sumpto cum illis sanctissimo Eucharistiæ Sacramento, libertate donavit.

R. Sancti tui Domine,

Lectio V.

Interea milites eum ad Valerianum Imperatorem adduxerunt. A quo professione religionis interroga-

M 4

eius

tus, liberè se Christianum confessus est. Quamobrem habitu exuitur Christiano; & os ejus lapidibus contunditur; &, nisi Christum ejuret, ac diis sacrificet, tormentis Laurentii jubetur excruciar. Ille arcta supplicia depositit; & nihil iis gratius obtinere sibi posse, respondet audacter. Unde fustibus cæditur, & pectinibus ferreis laniatur. Quibus in verberibus cùm ejus fides constantior appareret, muneribus & honorum promissis oppugnatur.

R². Verbera carnificum.

Lectione VI.

His frustrà tentatis, Præfecto occidendus traditur: qui domum Hippolyti veniens, ut ejus facultates publicaret, totam familiam Christianam esse cognoscit; atque iis à Christianâ fide frustrà deterritis, primùm plumbatis cæsâ Concordiâ, Hippolyti nutrice, quæ cæteros confirmabat,

bat, reliquos decem & novem extra portam Tiburtinam occidi jubet. Hippolytus, indomitis equis raptatus per loca carduis & tribulis consista, lacerato corpore spiritum Deo reddidit, unâque cum reliquis à Justino Presbytero ad agrum Veranum sepultus est, Idibus Augusti. Corpus ejus deinde in Germaniam allatum, primò in Gerridheimensi virginum Monasterio juxta Insulam seu Werdam Cæsaris depositum fuit. Quod inde, metu gravium bellorum, unâ cum virginibus intra Coloniam transtulit Hermannus Archiepiscopus Coloniensis, & in Ursulanâ Basilicâ collocavit; ubi magnifico fidelium cultu servatur & honoratur.

R₂. Tamquam aurum.

IN III. NOCTURNO.

Homil. in Evang. Attendite à fermento. ut in festo SS. Joannis & Pauli Mart. 26. Junii.

44.

RER. De comm. plur. Mart.

Pro sancto Cassiano.

Lectio IX.

Cassianus, divinis literis eruditus,
 & sanctitate conspicuus, Sabio-
 nam Rhetiæ urbem ad Christum præ-
 dicando convertit: inde expulsus pa-
 ganorum studio; Forum Cornelii ve-
 nit, ut populum, idolorum cultui
 deditum, ad Christianam religionem
 perduceret, humaniores litteras pue-
 ros docere cœpit, & earum occasio-
 ne, Christianâ religione imbucere.
 Quod ubi Præfetus urbis rescivit, il-
 lum accersitum à Christi fide verbis
 conatur avertere. At ubi se frustra
 laborare comperit, novum supplicii
 genus excogitavit: nam, vincitis post
 terga manibus, columnæ marmoreæ
 alligatum, puerorum, quos erudie-
 bat, stylis ferreis configendum & in-
 terficiendum tradidit. Quorum
 quantò erat infirmior vis, tantò ejus
 pœna

pœna martyrii gravior ac diuturnior,
palmaque illustrior.

Te Deum laudamus.

*Si fuerit Sabbatum, Lecl. IX. legitur
de Homil. Vigil. Assumpt. B. Mariæ Virg.
cum ejusdem commem. ante S. Cassia-
num in Laud.*

*In Laud. fit Commem. Oœl. S. Lau-
rentii & S. Cassiani Mart.*

*Missa: Intret. Ev. Attendite. ex
Dic 26. Jun.*

OF.

OFFIC. HEBDOMADARIUM
IN HONOREM
S. LIBORII
Episcopi & Confessoris

^à
Sanctissimo D. N. D.
CLEMENTE XII.
in Civitate et Diœcesi Paderbornensi

Extrà

Adventum, Quadragesimam, Quatuor Tempora,
& Vigilias, Die, festo novem lectionum non
impeditâ sub rito semiduplici recitari concessum.

*Omnia dicuntur de communi Con-
fessoris Pontificis præter ea, quæ se-
quuntur.*

*In Hymno: Iste Confessor. mut.
3tius versus.*

*Ad Magnificat in primis vesperis
Antiphona: Sancte Libori Confessor
Christi miseris tuis subveni servis,
& iram, quam meremur, precatu
tuo averte, ne de gregis tui danno
inimicus exultet.*

Oratio

Oratio.

Omnipotens sempiterne Deus, qui Ecclesiam tuam in Confessione sancti Nominis tui solidâsti: præsta quæsumus; ut quæ Sancti Liborii Confessoris tui atque Pontificis recolit commemorationem, ejus apud te suffragiis ab omni mereatur adversitate liberari. Per Dominum &c.

In primo Noct. Leet. de Script. occurr.

In 2. et 3. Noct. Leet. ordine inf. posito.

Ad Benedictus Antiphona: O quām venerandus es Libori Confessor Christi, qui terrena contempsisti, & Cœli januam exultans petisti, modò viator fulges in virtute cœlesti; ideò te supplices exoramus, ut intercedas pro nobis ad Dominum Deum nostrum.

In 2. Vesp. ad Magnif. Antiph. Sancte Libori Confessor Domini pretiose, adesto nostris precibus pius, ac propitius.

Pro

Pro Mensibus Mayo, Jan. Jul. August. & Septemb.

IN II. NOCTURNO.

Sermo S. Joannis Chrysostomi.
unde supra.

Lectio IV,

Et homines quidem, qui populis præsunt, si quando de rebus fortuitis consultaturi sunt, diebus non contenti, noctes etiam vigilando adhibent: nos verò, qui pro ipso cælo certamen habemus, ipso quoque die dormimus. Quis, quæso, ab eo nos suppicio eripiet, quod istis debetur? Si enim corpus trucidandum exponere, si innumeras mortes ferre oportebat, numquid ad hoc munus, tanquam ad nundinas currendum erat? Hæc autem non solum pastores, sed & oves audiunt, ut alacriores faciant pastores, aliud quidem nihil, verùm omnem obedientiam, animúmque cui persuaderi queat, exhibentes.

Bz.

R. Inveni David.

Lectio V.

Ita Paulus præcepit dicens, obedi-
te ducibus vestris, & subditi esto-
te: nam ipsi vigilant; pro anima-
bus vestris, tanquam rationem da-
turi. Quando verò dicit, Nam ipsi
vigilant; innumeros labores, curas
& pericula complectitur. Bonus
enim Pastor, & talis qualem Chri-
stus vult, innumeris comparatur
martyribus. Propter Christum quip-
pe martyr semel quidem est mor-
tuus, hic verò millies propter gre-
gem, si quidem talis sit pastor, qua-
lem esse oportet: talis enim pastor
singulis diebus mori potest. Pro-
pterea & vos, cognito isto labore,
& precibus, & diligentia, & ani-
mi alacritate & dilectione nos juva-
te, ut & nos vestra, & vos vicissim
nostra gloriatio sitis.

R. Posui adjutorium.

Lectio

Lectio VI.

Nam ideo Christus istud Apostolorum Summati, & plus ipsum quām reliqui diligent, commendans, & injungens, primū rogabat an ab ipso diligeretur: ut discas, quòd istud sit ante omnia reliqua dilectionis in Christum positum signum: Strenuo siquidem animo hic opus est. Hæc verò mihi de optimis pastoribus dicuntur, non de me ipso, & mei similibus: sed si quis talis sit, qualis erat Paulus, qualis Petrus, qualis N. Iстos itaque imitemur & superiores, & subditi: licet enim & subdito pro parte pastorem agere, nempe dōmūs suæ, amicorum, domesticorum, uxoris, liberorum.

R. Iste est, qui ante Deum.

IN III. NOCTURNO.

Lectio sancti Evangelii secundūm Matthæum.

Lectio VII. Cap. 25.

In illo tempore: Dixit JESus discipuli

pulis suis parabolam hanc : Homo peregrè proficiscens , vocavit servos suos , & tradidit illis bona sua . Et reliqua .

Homilia S. Hieronymi Presbyteri.

Lib. 4, in Matth. Cap. 25

Homo iste paterfamilias haud dubium quin Christus sit : qui ad Patrem post resurrectionem victor ascendens , vocatis Apostolis , doctrinam Evangelicam tradidit ; non pro largitate & parcitate alteri plus & alteri minus tribuens , sed pro accipientium viribus : quomodo & Apostolus eos , qui solidum cibum capere non poterant , lacte potasse se dicit . Denique & illum , qui de quinque talentis decem fecerat , & qui de duobus quatuor , simili recepit gaudio : non considerans lucri magnitudinem , sed studii voluntatem . R. Amavit eum &c.

P. Aestiv.

N

Lectio

Lectio VIII.

In quinque, & duobus, & uno
talento, vel diversas gratias in-
telligamus, quæ unicuique traditæ
sunt: vel in primo, omnes sensus
examinatos; in secundo, intelligen-
tiā & opera; in tertio rationem,
quâ homines à bestiis separamur.
Acceptis ille terrenis sensibus, cæle-
stium sibi notitiam duplicavit, ex
creaturis intelligens creatorem, ex
corporalibus incorporalia, ex visi-
bilibus invisibilia, ex brevibus æter-
na. Et iste pro viribus quidquid in
lege didicerat, in Evangelio dupli-
cavit: sive scientiam & opera præ-
sentis vitæ, futuræ beatitudinis ty-
pos intellexit.

R^g. Sint lumbi.

Lectio IX.

Grande tempus est inter ascensio-
nem Salvatoris, & secundum
ejus adventum. Si autem Apostoli
red-

reddituri sunt rationem, & sub
metu judicis surrecturi, quid eos
oportet facere? Et notandum,
quod omnia quae in praesenti habe-
mus, licet magna videantur & plu-
rima, tamen comparatione futuro-
rum, parva & pauca sunt. Intra,
inquit, in gaudium Domini tui;
& suscipe, quae nec oculus vidit,
nec auris audivit, nec in cor homi-
nis ascenderunt. Quid autem po-
test majus dari fideli servo, quam
esse cum Domino, & videre gau-
dium Domini sui?

Pro Mensibus Julio & Augusto.

Lectio IV.

Sermo S. Maximi Episcopi: Ad
Sancti, & Beatissimi Patris nostri
&c. Ut in Breviario de communi Conf.
Pontif. imo loco.

IN III. NOCTURNO.

Lectio sancti Evangelii secundum Matthæum.

Lectio VII. Cap. 25.

In illo tempore: Dixit JESUS disci-
pulis

pulis suis parabolam hanc: Homo peregrè proficiscens, vocavit servos suos, & tradidit illis bona sua. Et reliqua.

Homilia Sancti Joannis Chrysostomi.

In Gen. c. 18. Hom. 41. circa inuium

Nobis non satis est, quod extra damnum sumus, & quod nostrum est implemus: sed volumus, ut & vos ex dinumeratis pecuniis multum negotiemini, ut ne obnoxii fiat supplicio, quod luit ille, qui talentum recondidit, & dominicam pecuniam non solum non multiplicavit, sed & ipsam in terra defodit. Tales enim sunt, qui sermones audiunt: talentum enim hoc vocat, & pecuniam: neque operam dant, ut fructum afferant.

R. Amavit eum.

Lectio VIII.

Sed fortè dixerit quispiam, parabolam istam talentoruin de Dotori-

ctoribus esse dictam: nec ego hoc nego. Verum si diligenter eam intueamini, scietis, quod doctores quidem debent dinumerare pecuniam: sed vos non solum eam servare, sed & similiter negotiari debetis. Et quare ille, qui duo attulit talenta, eudem consequitur honorem, quem ille, qui talenta quinque attulerat? Merito: augmentationem enim & imminutionem, non vel hujus diligentia, vel illius negligentia fecit, sed concreditorum quantitas. Nam quod ad diligentiam attinet, ambo pares fuerunt, proinde & eandem dignitatem assecuti sunt. R. Sint lumbi.

Lectione IX.

Verum aliis ille nihil tale fecerat. Sed quid? Accessit, dicens. Cognovi te, quod austerus homo sis, metens ubi non seminas, & congregans ubi non spargis: & veritus abii, & occultavi talentum in terra. O nequitia n

quitiam servi! ô insignem ignaviam!
 Nam non solum jussa contempsit, &
 nihil negotiatus est talento sibi con-
 credito, sed & pro talento accusatio-
 nem attulit; ita enim solet malitia,
 obtenebrat rationem, & cum, qui
 semel à viâ aberravit, per abrupta
 præcipitem dat.

Pro Mense Septembri.
 IN II. NOCTURNO.

Lectio IV.

Sermo S. Maximi Episcopi : Beati
 Patris &c. *Ut in Breviario de commu-*
ni Conf. Pont. 2do loco.

IN III. NOCTURNO.

Lectio sancti Evangelii secundum Matthæum.

Lectio VII. Cap. 25.

In illo tempore: dixit Jesus discipu-
 lis suis parabolam hanc: Homo
 peregrè proficiscens, vocavis servos
 suos, & tradidit illis bona sua. Et
 reliqua.

Homilia S. Joannis Chrysostomi.
Vnde supra.

Hæc autem omnia de magistris di-

cta

Etā sunt , ut talenta sibi concre-
dita non abscondant, sed omni dili-
gentiâ discere cupientibus apponant.
Verūm ultrà audi, dilecte, ex indi-
gnatione erga illum , quomodo &
discipuli rei sunt: & non solūm illa
repetuntur, quæ concredita, sed &
cum lucro operatio quæritur. Quid
igitur dicit illi Dominus? Serve ne-
quam terribilis indignatio , & minæ
valentes per se percellere animum. O-
portebat te pecuniam tuam dinume-
rare mensariis, & ego, cum venis-
sem, cum lucro repetissem illam. Pe-
cuniām dicens eloquia pretiosa :
nummularios autem vos, qui susci-
pitis. Rx. Amavit eum.

Lectio VIII.

Quocirca , dilecti , cùm vobis con-
credita dinumeraverimus , vo-
bis necessarium erit , duplicem affer-
re laborem & vigiliam , tum quòd
dinumerata custodienda sunt , ut fixa

maneant; tum quòd operandum; ut & aliis communicetur, & multos in viam virtutis inducant: ut bifariam vobis lucrum accrescat, tum pro salute vestrâ, tum pro aliorum utilitate. Igitur fratres vestros nolite negligere, neque solum spectare, quæ ad vos attinent, sed unicuique cura sit, quomodo proximum suum à diaboli favibus eripiat. *Bz.* Sint lumbi.

Lectione IX.

Simili modo & nos erga fratres nostros bene affecti, magnam adhibeamus diligentiam, & obliuitemur maligno illi dæmoni, ut irritos ejus faciamus conatus. Nam si singuli, qui adsint, unum lucrificere possent, cogita quantam nobis lætitiam Ecclesia multitudine filiorum suorum ostenderet: & quomodo diabolus confundetur, videns in vanum & frustrâ extendi sua retia. Quòd si hoc feceritis, auditis & vos in die illo: Serve bone & fidelis, in pauca fuisti fidelis, supra multa te constituan.

